



Լուսանկարները՝ Անի Հովհաննիսյանի | UN Women Armenia

# ԿԱՆԱՆՑ ԴԵՐԸ ԽԱՂԱՂԱՇԻՆԱԿԱՆ ԳՈՐԾՐՆԹԱՑՆԵՐՈՒՄ

**Կանանց մասնակցությունը խաղաղաշինական գործընթացներին նպաստում է ավելի համապարփակ և կայուն խաղաղության պայմանագրերի հաստատմանը:**

**Հետազոտությունները ցույց են տալիս, որ բանակցություններում կանանց ներգրավվածությունը 35%-ով մեծացնում է հավանականությունը, որ խաղաղության պայմանագրերը կպահպանվեն առնվազն 15 տարի:<sup>1</sup>**

## Հետհակամարտական վերականգնում

Կանայք կարևոր դերակատարներ են հակամարտություններից հետո սոցիալական համախմբվածության վերականգնման և հակամարտությունների հիմնարար պատճառների հասցեագրման գործում:<sup>2</sup> Նրանց ներգրավվածությունն ապահովում է, որ խաղաղության համաձայնագրերը բավարարեն հասարակության բոլոր շերտերի, այդ թվում՝ խոցելի խմբերի կարիքները: Հայաստանում, հատկապես 2020թ. Լեռնային Ղարաբաղի պատերազմից հետո, կանայք կարևոր դեր խաղացին հետհակամարտական վերականգնման գործում՝ օգնելով վերականգնել սոցիալական համախմբվածությունը և հասցեագրել հակամարտության հիմքում ընկած պատճառները՝ նպաստելով կայուն խաղաղության գործընթացին:<sup>3</sup>

### Խոչընդոտներ, որոնց կանայք բախվում են խաղաղության հաստատման գործընթացներում

#### ▶ Մշակութային նորմեր

Հասարակության ակնկալիքներն ու գենդերային նորմերը հաճախ խոչընդոտում են խաղաղաշինության և հակամարտությունների կարգավորման գործընթացներին կանանց մասնակցությանը, հատկապես հայրիշխանական հասարակություններում, որտեղ կանայք թերներկայացված են պաշտոնական քաղաքականության մեջ:<sup>4</sup>

Հայաստանում, հատկապես գյուղական և պահպանողական շրջաններում, արմատավորված գենդերային նորմերն ու հայրիշխանական կառուցվածքները սահմանափակում են կանանց մուտքը որոշումների կայացման գործընթացներ՝ նվազեցնելով նրանց մասնակցությունը խաղաղության հաստատման պրոցեսին:<sup>5</sup>

#### ▶ Անբավարար ներկայացվածություն

Չնայած միջազգային մանդատներին, ինչպիսիք են UNSCR 1325-ը, կանայք շարունակում են թերներկայացված լինել խաղաղության բանակցություններում և խաղաղապահական գործողություններում: 2020թ. կանայք կազմել են բանակցողների միայն 13%-ը և խաղաղության համաձայնագրեր ստորագրողների 6%-ը:<sup>6</sup>

Հայաստանում կանանց ներդրումը խաղաղության բանակցություններում և հետհակամարտական վերականգնման գործում հաճախ անտեսվում է, քանի որ ղեկավար դիրքերում կանայք քիչ են:<sup>7</sup>

#### ▶ Գենդերային հիմքով բռնություն

Հակամարտությունների ժամանակ կանայք և աղջիկներն անհամեմատ ավելի խոցելի են սեռական բռնության և շահագործման տեսանկյունից, ինչն առավել

անհրաժեշտ է դարձնում նրանց մասնակցությունը խաղաղության գործընթացներին: Այդ փորձառությունը ձևավորում է խաղաղության և վերականգնման մասին նրանց պատկերացումները, և նրանց կարիքները խաղաղության պայմանագրերում ներառելու հնարավորություն ստեղծում:<sup>8</sup>

Հայաստանում գենդերային բռնության բացասական ազդեցությունը հակամարտությունների ժամանակ հատկապես մեծ է, քանի որ վերապրածները բախվում են լուրջ խոչընդոտների՝ արդարության և աջակցության փնտրտություններում, ինչը հետագայում էլ ավելի է սահմանափակում նրանց ներգրավվածությունը խաղաղաշինական ջանքերում:<sup>9</sup>

### **Առաջարկներ տեղական իշխանություններին**

#### **▶ Խաղաղության քաղաքականություններում գենդերազգայուն մոտեցումների ինտեգրում:**

Խաղաղության ազգային քաղաքականություններում ապահովել գենդերազգայուն շրջանակների ներառումը՝ կանանց մասնակցությունը խաղաղության հաստատման գործընթացներին խրախուսելու համար:

Խաղաղության ազգային քաղաքականություններում ներառել գենդերազգայուն մոտեցումներ՝ հասցեագրելով բռնությունը վերապրածների, տեղահանված կանանց և այլ խոցելի խմբերի կարիքները:

Ապահովել UNSCR 1325-ի 2022-2024թթ. ազգային գործողությունների պլանի արդյունավետ իրականացումը և վերահսկումը՝ շեշտը դնելով խաղաղաշինական գործընթացներին կանանց մասնակցության ամրապնդման վրա:

#### **▶ Խթանել կանանց մասնակցությունը քաղաքականությանը:**

Աջակցել բարեփոխումներին՝ վերացնելու քաղաքականությանը կանանց մասնակցության խոչընդոտները, ինչպիսիք են խտրական օրենքները, գենդերային բռնությունը և մշակութային նախապաշարմունքները:

Ներդնել քաղաքականություններ, որոնք կխրախուսեն կանանց քաղաքացիական և քաղաքական ներգրավվածությունը՝ վերացնելով սոցիալական և իրավական խոչընդոտները:

Կանանց համար ապահովել անհրաժեշտ դասընթացներ և ռեսուրսներ՝ խաղաղ բանակցություններին և հետհակամարտական կառավարմանը մասնակցելու նպատակով:

#### **▶ Ապահովել կանանց և աղջիկների անվտանգությունն ու պաշտպանությունը հակամարտության գոտիներում:**

Առաջնահերթություն տալ կանանց և աղջիկների անվտանգության մտահոգություններին, հատկապես հակամարտության գոտիներում կամ տեղահանման պայմաններում՝ ապահովելով անվտանգ կացարաններ և ճամբարներ:

Կանանց իրավունքներով զբաղվող կազմակերպությունների հետ մշակել ընթացակարգեր՝ ապահովելու գենդերային բռնության դեպքերի հաղորդման հստակ մեխանիզմներ:

### **Առաջարկներ կանանց իրավունքներով զբաղվող կազմակերպություններին**

#### **▶ Խթանել կանանց ներկայացվածության մեծացմանը խաղաղության գործընթացներում:**

Շարունակել իրականացնել շահերի պաշտպանություն՝ խաղաղության բանակցություններում կանանց ներգրավվածությունը մեծացնելու և նրանց դերը խաղաղության պայմանագրերում ճանաչելի դարձնելու համար:

Լոբբինգ անել, որ կանայք ներգրավվեն այնպիսի առանցքային դերերում, ինչպիսիք են բանակցողները, միջնորդները և խորհրդատուները, հատկապես Լեռնային Ղարաբաղի հակամարտության հետ կապված գործընթացներում:

#### **▶ Զարգացնել խաղաղաշինության գործընթացներում ներգրավված կանանց կարողությունները:**

Ապահովել դասընթացներ, որոնք կզարգացնեն կանանց խաղաղաշինական հմտությունները. բանակցությունների վարում, միջնորդություն և հակամարտությունների կարգավորում:

Ապահովել առաջնորդության և հակամարտությունների կարգավորման վերաբերյալ դասընթացներ երիտասարդ կանանց և խոցելի համայնքների ներկայացուցիչների համար՝ նրանց հնարավորություն տալով առաջնորդել խաղաղաշինական ջանքերը:

#### **▶ Հասցեագրել կանանց կարիքները հետհակամարտական վերականգնման փուլում:**

Կենտրոնական դեր խաղալ կանանց կարիքների հասցեագրման հարցում՝ ներառյալ առողջապահական ծառայությունների ապահովումը, կանանց տնտեսական հզորացումը և հոգեբանական աջակցությունը:



Norad



Sida



Ստեղծել շարժական առողջապահական կենտրոններ և միկրոֆինանսավորման հնարավորություններ, իրականացնել մասնագիտական վերապատրաստման ծրագրեր՝ կանանց տնտեսական հզորացման համար:

**Խթանել սերունդների միջև երկխոսությունը խաղաղաշինության մասին:**

Խրախուսել երիտասարդ և ավագ սերնդի ներկայացուցիչ կանանց միջև երկխոսությունը՝ խաղաղաշինության վերաբերյալ փորձի և գիտելիքների փոխանակման նպատակով:

Կազմակերպել համայնքային հանդիպումներ, որտեղ տարբեր սերնդի ներկայացուցիչ կանայք կարող են քննարկել խաղաղաշինական ռազմավարություններ և առաջարկել հակամարտությունների կարգավորման գաղափարներ:

**Առաջարկներ քաղաքացիական հասարակության կազմակերպություններին**

▶ **Խթանել խաղաղաշինությանն ուղղված ջանքերը տեղական մակարդակում:**

Ստեղծել խաղաղության մասին երկխոսության և քննարկումների տեղական հարթակներ, որտեղ լսելի կլինի կանանց ձայնը:

Աջակցել կանանց իրավունքներով զբաղվող տեղական և համայնքային կազմակերպություններին՝ ներգրավվելու ազգային և միջազգային խաղաղաշինական ջանքերում:

▶ **Ամրապնդել իրավական ռեսուրսների հասանելիությունը կանանց համար:**

Տեղական իշխանությունների հետ աշխատելով՝ ամրապնդել կանանց իրավունքները պաշտպանող իրավական շրջանակները և արդարադատության հասանելիությունը հետհակամարտական պայմաններում:

▶ **Աջակցել գենդերազգայուն մեդիա արշավներին:**

Մեկնարկել մեդիա արշավներ, որոնք կընդգծեն կանանց դերը խաղաղաշինության գործում և կբարձրացնեն հետհակամարտական վերականգնման փուլում գենդերային բռնության վերաբերյալ հասարակության իրազեկվածությունը:



Համագործակցել տեղական լրատվամիջոցների հետ՝ խաղաղաշինական գործընթացում կանանց դերը ճանաչելի դարձնելու նպատակով, ինչն էլ կնպաստի գենդերային կարծրատիպերի և մշակութային խոչընդոտների վերացմանը:

## Ծանոթագրություններ

1. United Nations Women. (2014). The contribution of UN Women to increasing women's leadership and participation in peace and security and in humanitarian response. Retrieved from <https://gate.unwomen.org/EvaluationDocument/Download?evaluationDocumentID=3674>
2. United Nations Security Council. (2000). Resolution 1325 (S/RES/1325). Retrieved from <https://undocs.org/S/res/1325%282000%29>
3. Heinrich Böll Stiftung. (2022, December 18). Armenia's peace and security: Women's participation and feminist perspectives. Retrieved from <https://ge.boell.org/en/2022/12/18/armenias-peace-and-security-womens-participation-and-feminist-perspectives>
4. United Nations Women. (2014). Women's participation in peacebuilding. Retrieved from <https://wps.unwomen.org/participation/>
5. European Union Neighbourhood East. (2024, April). Armenia country gender profile. EU4GenderHelpDesk. [https://euneighbourseast.eu/wp-content/uploads/2024/04/eu4genderhelpdesk\\_armenia\\_countrygenderprofile\\_2024-cgp\\_v3\\_compressed.pdf](https://euneighbourseast.eu/wp-content/uploads/2024/04/eu4genderhelpdesk_armenia_countrygenderprofile_2024-cgp_v3_compressed.pdf)
6. United Nations Women. (2020). Facts and figures: Women, peace, and security. Retrieved from <https://www.unwomen.org/en/what-we-do/peace-and-security/facts-and-figures>
7. European Union Neighbourhood East. (2024, April). Armenia country gender profile. EU4GenderHelpDesk. [https://euneighbourseast.eu/wp-content/uploads/2024/04/eu4genderhelpdesk\\_armenia\\_countrygenderprofile\\_2024-cgp\\_v3\\_compressed.pdf](https://euneighbourseast.eu/wp-content/uploads/2024/04/eu4genderhelpdesk_armenia_countrygenderprofile_2024-cgp_v3_compressed.pdf)
8. United Nations Women. (2012). Women's participation in peace negotiations: Connections between presence and influence. Retrieved from <https://www.unwomen.org/sites/default/files/Headquarters/Attachments/Sections/Library/Publications/2012/10/WPSsourcebook-03A-WomenPeaceNegotiations-en.pdf>
9. United Nations Population Fund. (2024). We Are Here: A Qualitative Rapid Assessment of Gender-Based Violence among Refugees in Armenia. Retrieved from <https://armenia.unfpa.org/en/publications/we-are-here-qualitative-rapid-assessment-gender-based-violence-among-refugees-armenia>

Այս հրապարակման մեջ արտահայտված տեսակետները պատկանում են հեղինակներին և պարտադիր չէ, որ ներկայացնեն ՄԱԿ-ի Կանանց հարցերով կազմակերպության, Շվեդիայի և Նորվեգիայի կառավարությունների կամ նրանց հետ փոխկապակցված կազմակերպությունների տեսակետները: Հրապարակումը իրականացվել է Շվեդիայի և Նորվեգիայի կառավարությունների ֆինանսական աջակցությամբ: